

ამბროლაურის მუნიციპალიტეტის მერის სამოქალაქო მრჩეველთა საბჭოს სხდომის
ოქმი N-06

ქ.ამბროლაური

სხდომას ესწრებოდნენ:

2022 წლის 6 დეკემბერი

1. ბესიკ ბაქაძე - ამბროლაურის მუნიციპალიტეტის ხიდიკრის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის

სოფელ კვაცხუთში ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ ძირაგეულში

3. თამარ ფრუიძე-შპს „ბარაკონის“ წარმომადგენელი.

4. ირინა კერესელიძე - არასამთავრობო ორგანიზაცია „წითელი ჯვარი“-ის წარმომადგენელი.

5. სოსო ცხვედიანი - შპს „გეოფლაუერი“-ს წარმომადგენელი.

რეგისტრაციის შედეგად სამოქალაქო მრჩეველთა საბჭოს 10 წევრიდან საბჭოს სხდომას ესწრებოდა 5 წევრი.

შეხვედრას უძღვებოდა ამბროლაურის მუნიციპალიტეტის მერის მოადგილე მამუკა ხიმშიაშვილი. სხდომას ასევე ესწრებოდნენ ამბროლაურის მუნიციპალიტეტის მერის ადმინისტრაციული სამსახურის ხელმძღვანელის მოვალეობის შემსრულებელი თამარ ქევანაშვილი, ამბროლაურის მუნიციპალიტეტის საფინანსო სამსახურის მეორადი სტრუქტურული ერთეულის საბიუჯეტო განყოფილების უფროსი ნათია კობახიძე.

სხდომა შეხვედრის ფორმატში გაგრძელდა.

დღის წესრიგი:

1. 2023 წლის ბიუჯეტის პროექტის პირველადი ვერსიის განხილვა

2. სხვადასხვა

საბჭოს სხდომა გახსნა თავმჯდომარის მოვალეობის შემსრულებელმა ირინა კერესელიძემ, საბჭოს წევრებს აცნობა რომ მერი ვერ მიიღებდა მონაწილეობას სხდომაში და ხიმშიაშვილი, საფინანსო სამსახურის საბიუჯეტო განყოფილების ხელმძღვანელი ნათია კობახიძე.

საბჭოს წევრებს დღის წესრიგთან დაკავშირებით შენიშვნა არ ჰქონიათ.

*I საკითხი: ამბროლაურის მუნიციპალიტეტის 2023 წლის ბიუჯეტის პროგრესი.
მომხსენებელი:*

საფინანსო სამსახურის საბიუჯეტო განყოფილების ხელმძღვანელმა ნათია კობახიძემ დღის წესრიგით გათვალისწინებულ პირველ საკითხთან დაკავშირები აღნიშნა:

მუნიციპალიტეტის ბიუჯეტის 2023 წლის პირველადი ვერსია 2022 წლის 10 დეკემბრისთვის დასამტკიცებლად უნდა წარედგინოს მუნიციპალიტეტის საკრებულოს, ბიუჯეტის მთლიანი თანხა შეადგენს 12 321 200 ლარს, საიდანაც მმართველობა და საერთო დანიშნულების ხარჯებში მიმართულია 4 484 000 ლარი. ინფრასტრუქტურის განვითარებაზე (ადგილობრივი ბიუჯეტით დაფინანსებულ პროექტებზე) 2 122 400 ლარი. დასუფთავება და გარემოს დაცვაზე 984 000 ლარი. განათლების პრიორიტეტის მიმართულებაზე 1 625 500 ლარი. კულტურა სპორტი ახალგაზრდობის პრიორიტეტზე 2 247 000 ლარი. ჯანდაცვა და სოციალური სფეროს მიმართულებით 857 200 ლარი. დღგ შეადგენს 9 893 000 ლარს. მიზნობრივი ტრანსფერი 165 000 ლარს. ბიუჯეტის სხვა შემოსულობები 963 200 ლარს. არაფინანსური აქტივების კლებიდან შემოსავალი 450 000 ლარს. ბიუჯეტის პროექტში ასახული არ არის ის თანხები რომელიც 2023 წელს რეგიონალური განვითრების ფონდის დაფინანსებით განხორციელდება მათი ასახვა ბიუჯეტში მოხდება შესაბამისი განკარგულების საფუძველზე და ეტაპობრივად გაიზრდება ბიუჯეტის მოცულობაც. 2022 წლის ბიუჯეტი თითქმის 24 მილიონი ლარია და სავარაუდოდ შემდეგ წლის საბოლოო მონაცემი გადააჭარბებს წლევანდელ მაჩვენებელს.

მერის მოადგილემ - მამუკა ხიმშიაშვილმა აღნიშნა, რომ მუნიციპალიტეტში მოქმედი სოციალური დახმარების პროგრამებში რომელიც მიმართულია ადგილობრივი ოჯახების მხარდაჭერისკენ გაზრდილია ფინანსური დახმარებები, ასევე გაიზარდა სამედიცინო პროგრამაში ონკოლოგიური პაციენტებისთვის გათვალისწინებული მომსახურების დასაფინანსებელი თანხა 3000 ლარამდე. დაგეგმილია დახმარების გაცემა მუნიციპალიტეტში მცხოვრებ სპეციალური საჭიროების მქონე ბავშვებზე, შემდეგი წლისთვის იზრდება ბავშვის უფლებების დაცვისა და მხარდაჭერის მუნიციპალური პროგრამის დაფინანსება 48 000 ლარამდე, თანხა მოხმარდება სოციალური საფრთხის წინაშე მყოფი ბავშვების საჭიროებებს და არაუმეტეს 2000 ლარით შევძლებთ დავექმაროთ კრიზისულ მდგომარეობაში მყოფ ბავშვიან ოჯახებს, ამ ეტაპზე 5 ასეთი ოჯახისთვისაა პროგრამაში გათვალისწინებული თანხა. სიახლეს წარმოადგენდა ის რომ პროგრამა შედგენილი იქნა საჭიროებათა კვლევის საფუძველზე გამოიკითხა მუნიციპალიტეტის ტერიტორიაზე მცხოვრები სამიზნე ჯგუფის ბავშვიანი ოჯახები. ბიუჯეტის პროექტით გათვალისწინებულია საბავშვო ბალის აღმზრდელთათვის თანამდებობრივი სარგოს 100 ლარით გაზრდა, ასევე იზრდება საჯარო სექტორში დასაქმებულთა სახელფასო ანაზღაურება სახელფასო ნომინალის (1100 დან 1210 ლარამდე გაიზარდა ნომინალი) ცვლილებიდან გამომდინარე.

საბჭოს თავმჯდომარის მოვალეობის შემსრულებელმა ირინა კერესელიძემ აღნიშნა:

2022 წელს ზაფხულის სეზონზე გაზრდილი მოსახლეობის რაოდენობიდან გამომდინარე დატვირთულ რეჟიმში მუშაობდა დასუფთავებისა და კეთილმოწყობის სამსახური მაგრამ იყო პრობლემა ნაგვის ბუნკერებთან დაკავშირებით, სწრაფად ხდებოდა ბუნკერების გავსება და მოსახლეობა უკმაყოფილებას გამოთქვამდა, კარგი იქნება თუ შემდეგი წლისთვის მოხდება ამ

პრობლემის გათვალისწინება და შესაბამისი რეაგირების განხორციელება. ასევე პრობლემას სოფლების უმრავლესობაში წარმოადგენდა სასმელი წყლის მიწოდება, ქაღაქში არსებული მაწანწალა ძალლების პრობლემა, კარგი იქნება თუ ამ მხრი 2023 წლის ბიუჯეტში იქნება თანხები გათვალისწინებული, რადგანაც დასახელებული სამი საკითხი წარმოადგენდა საკამოდ აქტუალურ თემას მოსახლეობისთვის.

საბჭოს წევრმა ბესიკ ბაქრაძემ აღნიშნა რომ საჭიროა ქ. ამბროლაურში იყოს ომში დაღუპულთა შემორიალი, ადგილი სადაც შესაძლებელი იქნება პატივი მიეგოს ომში დაღუპულთა ხსოვნას, ასეთი მემორიალი შესაძლოა მოწყობილი იქნას ქ. ამბროლაურში კოსტავას ქუჩაზე თიბისი ბანკის გვერდით მდებარე სკვერში, სამუშაოების განსახორციელებლად საჭირო იქნება დაახლოებით 20 000 ლარი.

მერის მოადგილემ - მამუკა ხიმშიაშვილმა საბჭოს წევრების მიერ დასმულ საკითხთან დაკავშირებით განმარტა რომ 2023 წლის ბიუჯეტის პროექტში გათვალისწინებულია თანხები სოფლებში წყალმომარაგების პრობლემის გადაჭრასთან დაკავშირებით, წელს დაიწყო სოფელ ხონჭიორის წყალმომარაგების სამუშაოები რომლისთვისაც თანხა გამოიყო რეგ. ფონდიდან, სოფელს წლების განმავლობაში აწუხებდა წყლის პრობლემა, 2023 წელსაც იგეგმება არაერთ სოფელში სამუშაოების განხორციელება.

ასევე ბიუჯეტში თანხებია გათვალისწინებული უპატრონო ძალლების მუნიციპალიტეტის ტერიტორიიდან გაყვანისთვის, მაგრამ ეს პრობლემას ბოლომდე ვერ აგვარებს, აქტიურად მიმდინარეობს რეგიონული თავშესაფრის საკითხის განხილვა.

რაც შეეხება დასუფთავებას პრობლემა გარკვეულ ეტაპზე შექმნა ზაფხულის სეზონზე მოსახლეობის დიდმა რაოდენობამ ასევე საწვავის ფასის მატებამ, მუნიციპალიტეტმა დამატებით რამდენჯერმე შეიძინა ნაგვის ურნები, რომლებიც სოფლებში მოთხოვნის შესაბამისად გადანაწილდა. სიახლეს წარმოადგენს ის ფაქტი რომ 2023 წლიდან დაინერგება დასუფთავების მოსაკრებლის გადამხდელთა ელექტრონული სისტემა, მოსახლეობა სატელეფონო შეტყობინებით მიიღებს ინფორმაციას მოსაკრებლის გადახდასთან დაკავშირებით, სიახლე შეეხება იურიდიულ პირებს და ქ. ამბროლაურის მაცხოვრებლებს, წლის განმავლობაში ეტაპობრივად სოფლებიც ჩაერთვებიან პროგრამაში. ასევე მიმდინარეობს მუშაობა მუნიციპალური ნარჩენების მართვის გეგმის განახლებაზე, მუშაობის პროცესში განხილული იქნება ყველა პრობლემური საკითხი და გაიწერება გადაჭრის გზები.

ქ. ამბროლაურში მემორიალის მოწყობის საკითხთან დაკავშირებით საჭიროა შედგეს შესაბამისი ხარჯთაღრიცხვა, ინფრასტრუქტურის სამსახურის ჩართულობით მოხდეს პროექტის განხილვა და მხოლოდ ამის შემდგომ იქნება შესაძლებელი ბიუჯეტში თანხის გათვალისწინება. პროექტის შეთანხმების შემდგომ 2023 წლის განმავლობაშიც შესაძლებელია საჭირო ფინანსური რესურსის მოძიება და უკვე დამტკიცებულ ბიუჯეტში ასახვა.

II საკითხი: სხვადასხვა.

სხდომაზე საუბარი შეეხო სოფლის მხარდაჭერის პროგრამებს, სოფლების უმეტესობის მიერ შერჩეული იყო გარე განათება, მუნიციპალიტეტის ტერიტორიაზე არის ისეთი სოფლები სადაც ზამთრის პერიოდში არ რჩება მოსახლეობა და ასეთ სოფლებში მიზანშეწონილია

განხილული იქნას გარე განათების გამორთვის საკითხი, საბიუჯეტო სახსრების რაციონალურად ხარჯვის პრინციპიდან გამომდინარე და იმის გათვალისწინებით რომ ყოველწლიურად იმატებს ელექტრო ენერგიის ხარჯი. გარე განათება ზამთრის პერიოდში გაითიშება სპორტულ მოედნებზე.

ადმინისტრაციული სამსახური ხელმძღვანელმა (მ/შ) თამარ ქევანაშვილმა აღნიშნა რომ ამბოლაურის მუნიციპალიტეტი მონაწილეობს ევრო საბჭოს საგრანტო კონკურსში რომლის მიზანსაც წარმოადგენს მოქალაქეთა ჩართულობის გაზრდა გადაწყვეტილების მიღების პროცესში, ამ მხრივ შემდეგ წელს მნიშვნელოვანი ცვლილებები იგეგმება და მრჩეველთა საბჭოს ჩართულობას და აქტიურობას დიდი მნიშვნელობა მიენიჭება. პროექტის მოსალოდნელი შედეგებია ტექნიკური, სამართლებრივი ხელშეწყობით, უნარებისა და კომპეტენციების გაძლიერების მეშვეობით სამოქალაქო ჩართულობის გაუმჯობესებული სამართლებრივი და პოლიტიკის ჩარჩო და პრაქტიკა, რომელიც უზრუნველყოფს საზოგადოების გავლენის გაძლიერებას ადგილობრივ დონეზე გადაწყვეტილების მიღების პროცესში. დაგეგმილი ღონისძიებებია ცნობიერების ამაღლებისა და ტრენინგების მეშვეობით საჯარო მოხელეების, სამოქალაქო საზოგადოების წარმომადგენლებისა და მოქალაქეების ცნობიერების ამაღლება სამოქალაქო ჩართულობის მექანიზმებთან დაკავშირებით. იგეგმება საჭიროებების შეფასების კვლევა 15 შერჩეულ მუნიციპალიტეტში სამოქალაქო ჩართულობის კუთხით და შემუშავდება კონკრეტული რეკომენდაციები. ექსპერტების მიერ სამართლებრივი და პოლიტიკური ჩარჩოს გაუმჯობესების მიმართულებით საკანონდებლო წინადადებების მომზადება, მუნიციპალიტეტთან თანამშრომლობით ჩამოყალიბდება სამოქალაქო საზოგადოების ორგანიზაციების, ადგილობრივი უწყებების ერთობლივი სამუშაო ჯგუფები კონკრეტული საკანონმდებლო ცვლილების შესახებ წინადადების შემუშავებისა და მათი მიღების ადვოკატირების მიზნით.

1. შეხვედრის შეჯამების შემდგომ თავმჯდომარის მოვალეობის შემსრულებელმა სხდომა დახურულად გამოაცხადა, შემდეგი სხდომა მარტის თვეში გაიმართება, ხოლო თარიღის შეთანხმება საბჭოს წევრებთან წინასწარ მოხდება სატელეფონო შეტყობინებით.

შეხვედრისას აღნიშნეს რომ სასურველია მეტი აქტიურობა მრჩეველთა საბჭოს წევრებისგან გასატარებელი ღონისძიებების და მომავალი წლის შეხვედრისთვის წარმოადგინონ სამომავლო იდეები და მოსაზრებები ამა თუ იმ საკითხზე.

საბჭოს თავმჯდომარის მოვალეობის შემსრულებელი

ირინა კერძესელიძე

მრჩეველთა საბჭოს მდივანი

მზია მიქაუტაძე

10 გენერალი
/ ქ /